

## ZAPISNIK SA 03. SJEDNICE UO SAMOSTALNOG SINDIKATA RADNIKA U BHRT-u, U MANDATU 2023-2027, KOJA JE ODRŽANA U ČETVRTAK, 26.06.2023. GODINE

**Prisutni:** Elvis Čengić; Džemal Kahrica; Edis Fočo; Mubera Herac; Samir Gadžo;  
Mustafa Baručija; Dragan Miljević; Minja Erić; Sanin Vila; Minka Džihanić; Alen Pavić

**Odsutni:** Merima Kurtović-Pašalić; Sanija Saljihi; Ekrem Agić; Sadin Kavazović; Anel Nurković;  
Omer Bukić

Dnevni red:

- 1.Zapisnici sa 1.konstituirajuće i 2. redovne sjednice UO SSR u BHRT-u
- 2.Aktualna situacija u BHRT-u
- 3.Finansije
  - blagajnički izvještaj za mjesec maj 2023. Godine
  - izvještaj Adriatic osiguranje za mjesec maj 2023. godine
- 4.Dodjela pomoći
- 5.Razno

**AD 1.** Dž.Kahrica je na osnovu člana 35. Statuta Samostalnog sindikata radnika u BHRT-u, otvorio 03. sjednicu UO SSR u BHRT-u u mandatu 2023-2027 i predložio dnevni red koji je jednoglasno usvojen, kao i zapisnici sa 01. i 02.. sjednice UO sindikata.

**AD 2.** Dž.Kahrica je informisao UO da je rukovodstvo sindikata održalo sastanak sa gospodjom Lejlom Babović 22.6.2023.godine. Sindikat je dobio informacije da je finansijska situacija u kući jako loša, i dalje je naplata takse u odnosu na prošlu godinu u padu, ne plaćaju se doprinosi. Kada su u pitanju uplata doprinosa i otpremnina za ljde koji idu u penziju, menadžment je završio mjesec februar. BHRT zajedno sa druga dva javna emitera je dobio sudsku kaznu od strane OBN televizije zbog formiranja cjenovnika za marketinške usluge.

Sindikat je ponovno tražio povećanje toplog obroka i dobili smo odgovor da sada nema prostora za povećanje istog. Postavljeno je usmeno pitanje u vezi odbijanja toplog obroka na službenom putu i rečeno je da se uputi dopis zvaničan. S tim u vezi Rukovodstvo sindikata je pripremlilo prijedlog zahtjeva u kojem stoji „U “Službenim novinama Federacije Bosne i Hercegovine”, broj 31/23 od 28.04.2023. godine objavljena je Uredba o izmjenama Uredbe o naknadama troškova za službena putovanja, na način da je nakon ovih izmjena prestalo ograničenje isplate toplog obroka radniku koji se nalazi na službenom putovanju, tj. radniku se može isplatiti zajedno topli obrok i dnevnicu bez stvaranja dodatnih poreznih obaveza za poslodavca. Samostalni sindikat radnika u BHRT-u traži od menadžmenta BHRT-a da u skladu sa navedenim izmjenama prekine odbijanje naknade za topli obrok radnicima za dane provedene na službenom putu odnosno za dane za koje su im isplaćene dnevnice.” Prijedlog rukovodstva sindikata je jednoglasno usvojen. Sindikat je dobio informaciju da će se 6.7.2023.godine održati sastanak sa ministrom Fortom i delegacijom EBU-a u vezi rješavanja duga BHRT-a.

Sindikat je još jednom napomenuo problem starosti opreme posebno sa naglaskom na razhladne pogone.

Upućen je još jednom dopis u vezi nedostatka ljudi u pogonima od kojih zavisi program BHRT-a.

Na inicijativu A.Nurkovića upućen je dopis u vezi slobodnog dana za prisustvovanje na UO sindikata.

U procesu je nekoliko disciplinskih postupaka u BHRT-u. UO je jednoglasno usvojio prijedlog rukovodstva sindikata u kojem se traži od menadžmenta da se izvrši izmjena Pravilnika o disciplinskoj i materijalnoj odgovornosti zaposlenika u Radioteleviziji Bosne i Hercegovine godine, na način da se u članu 6. ovog pravilnika navede da će prvostepena i drugostepena disciplinska komisija imati po jednog člana i zamjenika člana koji je predložen od strane reprezentativnog sindikata u BHRT-u.

Rukovodstvo sindikata je održalo sastanak sa predstavnikom EK za ljudske resurse na kojem su predstavnici sindikata iznijeli sve probleme uposlenika počevši od sistematizacije koja je zastarjela, donošenja kolektivnog ugovora za BHRT i uslova rada u našoj kući.

**AD 3.** Izvještaj M.Herac o poslovanju sa Adriatic osiguranjem za maj 2023.godine je primljen k znanju. Blagajnički izvještaj za mjesec maj 2023.godine je primljen k znanju.

**AD 4.** Komisija za dodjelu finansijske pomoći (M.Herac, S.Vila, M.Džihanić) predložila je da novčanu pomoć za mjesec juni 2023. godine dobiju slijedeći članovi: Bašić Fatima 500 KM (I dio), Tahirović Tamara 500 KM (I dio), Tahirović Ramiza 400 KM (I dio), Goro Mirza 300KM. Ukupno 1.700,00 KM. Prijedlog komisije je jednoglasno usvojen.

**AD 5.** Dž.Kahrica je predložio da se Emiterijada održi početkom septembra i do naredne sjednice da se pripreme prijedlozi i inicijative na koji način da se organizuje ovogodišnje druženje članova sindikata. Ovaj prijedlog je jednoglasno usvojen.

Izvršni sekretar  
SAMOSTALNOG SINDIKATA  
RADNIKA U BHRT-u  
Elvis Čengić

Potpredsjednik  
SAMOSTALNOG SINDIKATA  
RADNIKA U BHRT-u  
Džemal Kahrica